

Maamaktitipkainikkut Iviagirnin

PIDJUTIKHAA

Kavamngat Nunavut (GN) piniaqhimayut pipkaiyumaplutik havaktimingnik ihuaqtunik igluakhanginik nayugakhainiklu havagvingni maamaktitivkhainik iviangirnin unalu/uvaluuniit immiqtuivikhaniq iviagirmingnit milukhanik mamautinut tutquqtirvikhanik havagvingmingnititlukit.

Inuit Ukpriyainik Inuuqatigiit (ISV) Hinuikhaliurutikhangit

1. Maliktakhaliukhimyat maliqayariaqaqtut Inuit Ukpriyainik Inuuqatigiit:
 - ***Inuuqatigiitsiarniq:*** Pittiaqhugit allat, Inuuqatigiit munarilugillu Inuit.
 - ***Tunnganarniq:*** Inuuhittiaqariangani iliranaittumik, tun'nganarluni ilauqattarlinilu.
 - ***Pijitsirniq:*** Ikayurlugit ihariattitqunagillu ilagiit nuatqativullu, uvaluuniit tamaingnik
 - ***Piliriqatigiinniq/Ikajuqtigiinniq:*** Havaqatigiingniq atauhirmik pinahuaqhuni
 - ***Qanuqtuurniq: Piyauhimmannngittunik piluni ikayulaarlunilu***

ATUGUTIKHAIIT

2. Hamna ilitturipkarakhait atuqtakhaliuqhimayutlu aulatithimayuq tamainun havaktinun talvani Nunavut Kavamatmi nunalaanilu katimayiyiuyunun.

TUKILIURUTINGIT

3. **Iviangirmit maamaktitinnikut:** Iviangirmit maamakhaqattitiniq nutarannuamut nakuunirharnik niripkaidjutikhat nutarannuamik uvaluuniit aallaniklu nakuunirharnik niqipkainikkut.
4. **Pappirnirmiklu milukhanik iviangirmit:** Iviangirmit milukhamik piiyaunik immiqtuiniq atuqhuni pappiutimik imaiyaipluni iviangirmit, pappiknirmik iviangirmit. Taimailiuqtauvaktuq amamauyumit, pappit atuqtauukpat, pappiutikhaq piutigiya amamauyup.

5. **Maamaktitivikhaq:** Ilikkuuktumik, halummayumik, qayangnaitumik inikhanik, havagvingmini atuqtauyukhamik maamaktitiyumiit nutarannuaminik uvaluuniit pappikvikhanik iviangirminit mamautinut imiqtuuvikhanik. Hamna inikhaa piqaqtukhatikpanmik, ikhivautamik, ilikkuuktumi inikhanik, atuqtaungitumik havagvingmik katimavingmikluuniit, ukkualingmiklu ukkuaqaqat. Quiyaqturvik ***pikhaungittuq*** atuqtauyukhaungittuq maamaktitiyumi uvaluuniit pappiktumik iviangirminit atuqquyaulyakhaittuq inikharilugu maamaktitiyumakpata imiqhiyumakpata maamautinik.
6. **ihuaqhaqtauhimayunik havagvikhainik ikarnikhainik:** Angiqatigiiktukhak havagvingalu havaktiлю ihuaqhilugu hikarnikhainik havagvikhaniklu pipkariangani maamaktitiyunut havaktinut angiqtauhimayumi nayugakhani maamaktitiyumayut, uvaluuniit havakti maamaktitiyangani nutarannuaminik hiqinguyakkut ihuaqtumik hivituvallangitumik naunaiyarikhimayumiklu. Havakti havakhimmarniaqtuq ikarnikhaini havaquyauhimayut ikarnikhainik. Hivunikhalirutikhainik ihuaqhaqtauhimayunik havagvikhainik ikarnikhainik Havaktuliqiyikkut Maliktakhait Atuqquyaulyakhaittuq (HRM) Atuqquyaulyuq 1205: Ikarnikhainit Ahiagut Havagiaqtuqvikhaitlu Naunaikutit.
7. **iviangirnit maamaktititlutit piyakhait:** Piyakhait maamaktitiyut havaktim maamaktitiyumagumi, ilaqaqtaaktuqlu ihuaqhaqtauhimayunik havagvikhainik ikarnikhainik, maamaktitivikhanik igluamik, ihuaqtumi ikhivautarmik/atuqtakhainik maamaktitivikhanik, tutquqtikvikhaniklu ittungmik imiqtuigumik.
8. **Aturutikhanik:** Ihuaqhaqtauyut maliktakhangit, aturniriniklu, qanuriniinik uvaluuniit pitquyauhimayunim maliktakhanik pidjutikhainik naunaiyarikhimayut atuqtakhait inuup uvaluuniit havaktunit. GN-kut piniaqhimayut ikayuutikhainik ihuaqqata piyuminaqqatallu; ilauyt akhuurnaitunik aallanikluuniit havaakhainik, ihuaqhaqhimyunik aannurakhaini (atuqquyaulyakhaittuq qanuritunik aannuranik), aallanik havaakhainik, ihuaqhaqtauhimayunik havagvikhainik ikarnikhainik. GN-kut atuqtitilimaittut aallamut havaakhamut havaakniktitlugu.
9. **Munaqtuyut:** Inuk havaaqaqtuq munaqhitikhanik iviangirnit maamaktitinirmik havaktip nutraanik agitiittaaktaa nutaraq havaktip havagvianut maamaktittangani nutarannaq.

QANURITTAARNINNGANI

10. Tamarmik havaktit maamaktitiyut, ikinnikhaqaqtut 30-ni ubluni uttirvikhanik havaaminut, uvaluuniit utrnarivikhaminik ihuaqtumik, uqaqvigiyakhat atannguyayiyaqtik titiragvigilugu naunaikhilutik maamaktitinahuarikku nutrannuani iviangirmitnaunairiklugulu qakugu uttirvikhaktik havaariyamingnut. Havakti apiqhiyukhauyuq ihuaqtumik ihuaqhaqtauhimayunik ikarnikhainik maamaktitivikhaminut ihuaqhaglugit. ihuaqhaqtauhimayunik ikarnikhainik uvaluuniit atuqtakhaminik turrangayunik iviangirmit maamaktitivikhamingik uqautigiyakhaglit ikinnikhaanik 30-ni ubluni hivuani havakti uttiqvikhainik havaariyaminut.
11. Atannguyat pipkaiyukhat havaktinik hanaiyailutik ikarnikhainik havagvikhainiklu maamaktitinahuarumik/uttuiyainahuarumik iviangirmingnit maamautinut kuviyakhanik aulladjutinginut havagviup ihuaqqata. Hamna piyahunguyuq titiraglutik angirutimik atiliuqtauhiyayumik tamangnit havaktimit atannguyanitlu, aadjiliuqhimayumik tuyuqlutik Havaqtuliqiyitkunut havagvianut havagvigiyamingni.
12. Havagvikhainik auladjuhikhait pitquyauhimayut pilimaitpata angirutikhamik ikarnikhainik havagvikhainiklu hanaqilutik, atannguyap uqagvigiyakhait Havaktuliqiyit Kivgaqtuiyi Havakviani Kiinauyaliqiyitkut ikayuqtauyamingnik qanuriliurutikhanik.
13. Atannguyat ihuaqtunik pipkaihunguyut iviangirmit maamaktitivikhanik/iviangirmit ittuiyaivikhanikluuniit maamautinik imiqtuiyanginik. Nutaqeqiqiyihqaqtaukhaukpat agyaqtukhamik nutrannuamik havagvianut havaktip, nutaqeqiqiyi itiqtitauyukhat pularvikhanik havagvianut ihuaqqata.
14. Havagvia uvaluuniit havagvinga piqangitpat ihuaqtunik maamaktitivikhanik iviangirmit, uvaluuniit nutaqeqiqiyi upautilitpata havagvianut maamaktitiyangani, aallanik ihuaqhaillayuq qanuriliurutikhanik atannguyap uqagvigittaaktait Havaktuliqiyitkut Kivagaqtuiyanik havagviat qanuriliurutikhanik ihuaqhailutik.
15. Atannguyatnaunaiqhiyukhat ihuaqtumik maamaktitivikhanik havaktip tutqumavikhaniklu imaamautinik iviangirmit imiqtuqhimayunik havagviani.

16. Umiguharinirmik uvaluuniit uumilruhuktitaiyut iviangirmit maamaktitiyunik havaktinik ihuakhaqtauvakhunguyut ihuinaqqata. Havaktit takuimayut uvaluuniit atuqpakhimayut taimailiuqtauplutiklu umiguhaaqtaunirmiktitiraquyauvaktut unniudjutikhamik maliqalugit tapkuat HRM 1010: Uumilruhaiyukhangitut Havagvingmi.

ATANIQTUIYIT NAUNAIYAUTILU

17. *Kavamatkut Havaktinginnut Maligaq*

18. *Kavamatkuni Havaktiinut Angirutit talvani Nunavunmi Havaktiit Ikayuqtignit (NEU)*

19. *Angayukhiuyut Atan'nguyat unalu llaungitunun Havaktunun Mapiraaqhangit*

20. *Nunavunmi Kitkutuinat Piyumautingit Maligaq*

21. *Kanatami Kitkutuinnat Piyunautinginut Maligaq*

22. **Havaktuliriyikkut Maliktaqhaq**

HRM1003: Qayangnaitkutikhait Aannuraat Aanniqtailitikhaitlu Ingilrutit

HRM1010: Uumilruhungnairumi Havagvingmi

HRM1205: Ikarnikhainit Ahiaqut Havagiaqtuqvikhaitlu Naunaitkutit

HRM1308: Nutaraniktup Havaguiqhimavikha Akiliuhiaqpakluni

Uqaqvikhatit

Naunairyuumirumaguvit ilitturigumaguvilluuniit, uumunga uqaqatigilutit:

Aulapkaiyi, Havaktuliqinikkut Havaakhanullu Naunaiyaiyit

Kiinauyaliqiyitkut

IqalungniNunavut

867-975-6211